

Na osnovu člana 61. stav (2) i člana 99. Zakona o upravi („Službeni glasnik BiH“, br. 32/02 i 102/09) direktor Direkcije za evropske integracije donosi

INSTRUKCIJU O POSTUPANJU PO UPITIMA U DIREKCIJI ZA EVROPSKE INTEGRACIJE

Uvod

1. Ovom Instrukcijom utvrđuje se način postupanja u Direkciji za evropske integracije (u daljnjem tekstu: Direkcija) po različitim upitima koji se odnose na mogućnost zaposlenja, prijema u svojstvu pripravnika, volontera ili drugog oblika angažmana, te obavljanja studentske prakse.
2. Po upitima iz prethodnog stava, skladno Uputstvu o načinu vršenja kancelarijskog poslovanja u institucijama BiH, postupa stručni savjetnik za ljudske resurse (u daljnjem tekstu: stručni savjetnik).
3. Izrazi korišteni samo u jednom gramatičkom rodu odnose se podjednako na muški i ženski rod.

Upiti za zaposlenje, prijem u svojstvu pripravnika, volontera ili drugi oblik angažmana u Direkciji

4. Upiti za zaposlenje, prijem u svojstvu pripravnika, volontera ili drugi oblik angažmana u Direkciji, odnose se na mogućnost zaposlenja u statusu državnog službenika ili zaposlenika, prijema u svojstvu pripravnika, volontera ili drugog oblika angažmana.
5. Stručni savjetnik, zavisno o sadržaju upita, u skladu sa odredbama Zakona o državnoj službi u institucijama BiH, Zakona o radu u institucijama BiH, kao i odredbama Odluke o uslovima i načinu prijema pripravnika VII stepena stručne spreme, priprema odgovor i u roku od sedam dana od dana zaprimanja upita u rad, isti upućuje pošiljaocu upita.

Upiti za obavljanje studentske prakse

6. Obavljanje studentske prakse u Direkciji može se odobriti studentu ukoliko je studentska praksa utvrđena kao obaveza nastavnim planom i programom fakulteta i ukoliko je oblast studija kompatibilna sa djelokrugom Direkcije.
7. Stručni savjetnik u roku od sedam dana od dana prijema upita za obavljanje studentske prakse obavještava studenta o potrebi dostavljanja dokumenata kojima dokazuje ispunjenje uvjeta iz tačke 6. ove Instrukcije, ukoliko isti nisu dostavljeni uz upit.

8. O upitu odlučuje direktor Direkcije, na osnovu uvida u kompletnu dokumentaciju i informaciju o procjeni raspoloživih resursa i kapaciteta Direkcije, neophodnih za efikasno obavljanje studentske prakse. Informaciju priprema stručni savjetnik na osnovu podataka dobijenih od rukovodilaca osnovnih organizacionih jedinica, koji su obavezni saradivati sa stručnim savjetnikom u postupku odlučivanja o upitu i tokom realizacije odobrene studentske prakse.
9. O konačnoj odluci direktora stručni savjetnik obavještava studenta u roku od sedam dana na način i u obliku komunikacije kojom je student upit uputio.
10. Početku odobrene studentske prakse prethodi izrada individualnog Programa obavljanja studentske prakse najkasnije 15 dana prije početka obavljanja prakse. Individualni Program priprema stručni savjetnik u skladu sa zahtjevima fakulteta, preferencijama studenta i aktuelnim procesima u Direkciji, na temelju akata koji određuju djelokrug Direkcije, kao i konkretnih zaduženja koja su dužna osmisliti rukovodioci osnovnih organizacionih jedinica. U individualnom Programu, stručni savjetnik utvrđuje raspored i sadržaj studentske prakse shodno ukupnom trajanju, kao i uzajamne obaveze Direkcije i studenta u vezi sa obavljanjem prakse.
11. Direkcija na zahtjev studenta, izdaje potvrdu o obavljenoj studentskoj praksi na temelju individualnog Programa i potvrde o realizaciji istog od strane rukovodilaca osnovnih organizacionih jedinica.
12. Omogućavanje obavljanja studentske prakse, Direkciji ne stvara obavezu bilo kakvog oblika novčane naknade studentima.

Završne odredbe

13. Sa ciljem efikasnosti u radu i postupanju po upitima, sva interna komunikacija u Direkciji, utvrđena ovom Instrukcijom, obavlja se putem e-maila.
14. Ova Instrukcija stupa na snagu danom potpisivanja od strane direktora Direkcije i biće dostupna na dijeljenoj mreži i web stranicama Direkcije.
15. Stupanjem na snagu ove Instrukcije, prestaje da važi Instrukcija broj: 05/B-02-2-1471/13 od 16.9.2013. godine.

Sarajevo, 13.07.2016. godine
Broj: 05/B-02-2-SB-756/16

